

**Selamat hari keputeraan Raja Permaisuri Agong
Astro Awani
05 Ogos 2019**

TITIPAN doa dan ucapan rakyat jelata mengiringi hari kelahiran ke-59 Raja Permaisuri Agong, Tunku Azizah Aminah Maimunah Iskandariah.

Di akaun Instagram Istana Negara misalnya, ucapan selamat hari lahir dititipkan oleh orang ramai yang mendoakan Raja Permaisuri Agong dipanjangkan usia serta dirahmati Allah SWT.

Permaisuri kepada Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah itu diputerikan pada Jumaat, 5 Ogos 1960 di Istana Bukit Stulang, Johor Bahru.

Baginda merupakan puteri ketiga kepada pasangan Almarhum Sultan Iskandar Ibni Sultan Ismail bersama Almarhum Enche' Besar Hajah Kalsom Abdullah.

Tunku Azizah yang berdarah kacukan Melayu-Inggeris mempunyai empat orang adik-beradik.

Kekanda Tunku Azizah merupakan Sultan Johor iaitu Sultan Ibrahim Ismail Ibni Sultan Mahmud Iskandar.

Tunku Azizah merupakan Raja Permaisuri Agong ke-16 dan Tengku Ampuan Pahang yang ke-5.

Pada 30 Julai lalu, telah berlangsung Istiadat Pertabalan Al-Sultan Abdullah sebagai Yang di-Pertuan Agong ke-16 berlangsung dengan penuh kesantunan dalam suasana gilang-gemilang.

Sepanjang Istiadat Pertabalan itu, rakyat jelata memberikan tumpuan yang sepenuhnya pada Yang di-Pertuan Agong dan Raja Permaisuri Agong.

Selamat menyambut ulang tahun Hari Keputeraan Tunku Azizah Aminah daripada kami di Astro AWANI.

© 2019 Astro Awani Network Sdn. Bhd.

(535275-D) All Rights Reserved.

Source: <http://www.astroawani.com/berita-malaysia/selamat-hari-keputeraan-raja-permaisuri-agong-214202>